





19
20
21
22
23
24
25
26
27
28
29
30
31
32
33
34
35
36
37
38
39
40
41

志892
862
新=4








一又品背文四出

北齊錢一品




按北齊書天保四年正月鑄新錢文曰常平五銖又按





隋食貨志齊文宣鑄常平五銖重如其文其錢有大而背鑄七政者

北周錢十六品



按周書武帝紀保定元年秋七月更鑄錢文曰布泉以一當五與五銖並行細審書法乃玉筋文也與梁之男錢迥乎異矣

又一品鐵錢形製不異




周書建德三年六月更鑄五行大布錢以一當十與布泉並行



此品差小文字同前獨張台云此錢小者有大布二字
翻在錢之上下者惜未見之



此品背有龜蛇雙劍名元武錢佩之辟邪




第一品穿孔既方且圓背有團圓二字上有瑞雲下有
一獸細審似虎第二品穿孔圓而不方背餘同惟一獸
似牛而不似虎象十二辰明矣

此品穿孔方而有角背文元武星劍




此三品穿孔皆圓背文上雲下獸其字曰卯曰未曰申
是十二辰錢明矣




此品體巨字異背有元武星劍或曰不是行字乃古體

兩字亦如當十之說未審確否



按後周宣帝紀大象元年十月丁巳鑄永通萬國錢以一當十與五行大布並行




此品體製差小或曰是當五錢



第一品雙文第二品字法迥異背文元武星劍細審有金色蓋亦壓勝品



附石趙錢一品



按晉書石勒記勒鑄豐貨錢又按洪志舊譜曰世人謂之富錢言收此令人豐富又按杜氏通典亦云豐貨錢代人謂之富錢然余得二品一銅一鐵老友某晚年甚苦戲以鐵錢一品贈之不數年老友竟小康余獨留銅鑄一品藏之其窮如故想鐵者真而銅者偽耶抑皆真



而余負命獨薄耶

附成李壽錢一品




吉金錄云此錢係李壽所鑄蓋壽嘗改元漢興云

附涼張軌錢一品



吉金錄云是涼張軌所鑄蓋按晉書張軌傳太府叅軍
輔言於軌曰兩漢製五銖通易不滯晉太始中河西荒
廢遂不用錢今宜復五銖以濟通變之會軌納之立制
準布用錢遂大行人賴其利


附劉迦論錢一品



大世通寶錢別譜載八外夷蓋未深攷然按隋書煬帝

紀大業十年五月庚申延安人劉迦論舉兵反自稱皇
王建元大世


附林士洪錢一品



太平雙柱錢別譜歸於異品蓋亦未深攷茲按大業十
二年十二月壬辰鄱陽人林士弘自稱皇帝國號楚建
元太平其製錢皆有雙柱然二錢故屬盜鑄實開通寶


之先聲矣

唐錢五十五品



唐開元錢按舊唐書歐陽脩制詞言其錢文當自上及左右而讀之曰開通元寶錢唐六典亦曰開通元寶錢其意若曰開國通行之元寶也若竟曰開元通寶則皇何愛犯其字而為建元之稱世俗又謂此錢即明皇所





鑄蓋未讀唐書故耳按新唐書食貨志高祖入長安見民間錢質輕小至八九萬緡纒滿半斛於武德四年鑄開元錢徑八分重二銖四參積十錢重一兩其文字含八分篆隸二體但今稱開元通寶既久從眾可也







開元通寶錢元字挑法不同元上二直曰不挑錢元作元右挑錢元作元左挑錢元作元雙挑錢此右挑也雙







挑俗傳能製小兒驚傳世絕少

此左挑也





此雙挑也








開元錢背鑄月形者種種不一茲錄十數品識其大概而已至鄭虔會粹云此錢是歐陽詢所書進蠟樣時又德皇后指一甲跡故錢有甲文此說謬甚豈有錢法重





件而任皇后摩挲蠟樣致有指痕者耶猶有悖於此者青瑣集云是錢乃楊貴妃所指即洗兒錢彼以為開元始於明皇之所鑄耶若月形是皇后所指後之周元宋元諸錢亦因效其所為而特命皇后指其錢耶事之荒誕一致於此真夏蟲之不可以語冰矣



又一品是鐵錢





乾封泉寶錢世不多得雖偽亦少余嘗得此錢於濟南大姓不惜重值始購得之按新唐書食貨志曰乾封元年改鑄乾封泉寶錢以一當十逾年而舊錢多廢米帛涌貴詔復行開元錢鑄遂止按高宗任位三十四年改元十四永徽末顯慶五龍朔三麟德二年後詔改乾封蓋是年有封禪焉












乾元重寶錢按新唐書食貨志肅宗乾元元年經費不給使第五琦鑄此錢以一當十與開元錢參用又按名義攷錢文稱重寶自此始又按舊唐書李輔國鑄飛龍廐鍾不成急投乾元新錢二文於鑪而祈曰如聖躬萬福國祚無疆克孽殄除四方寧謐則願不消不爍一陰一陽並見於外鑄成一如所祈

此品背有月形





此品巨甚背有重輪







五品次第大小二品月形三品一星五品窄緣





大曆元寶錢大曆四年正月從弟五琦請也








建中通寶錢唐德宗從侍郎韓洄請也






又按建中元年判度支趙贊採連州白銅奏請鑄當十大錢以權輕重詔從之












按唐會要會昌六年二月勅諸道鼓鑄佛像鐘磬等新錢已有次第須令新錢流布起今年十月以後公私行用並取新錢其舊錢權停洪志舊譜曰武宗會昌初廢天下佛寺銅鐘佛像等所在本道鑄錢揚州節度使李紳乃於新錢背加昌字以表年號進之遂勅鑄錢之所各以本州郡名爲背文於是京兆府以京字另一品星月者私誌也洛陽以洛字西川以益字藍田以藍字又一品元字左挑也襄州以襄字江陵以荆字越州以越字宣州以宣字江西以洪字又一品洪字倒文湖南以


潭字兖州以充字瀋西以潤字鄂州以鄂字平州以平
字興元府以興字梁州以梁字廣州以廣字東川以梓
字福州以福字丹州以丹字桂陽以桂字余所得惟缺
楊字一品重京監洪三品



洪志舊譜咸通十一年桂陽監鑄咸通元寶錢旋勅停
廢然此錢近頗稀見

附史思明錢三品






按唐書食貨志史思明據東都鑄得壹元寶錢一當開元通寶之百已而惡得壹非長久之兆改其文曰順天元寶按文昌錄曰後唐同光三年洛京馬步使朱守殷於積善坊役所得古錢四百五十六文得壹元寶四百四十文餘皆順天也又沈括夢溪筆譚熙寧中常發地得大錢三十餘千文皆順天得壹當時皆疑古無得壹



年號莫知何代物余攷唐書史思明僭號鑄順天得壹錢又按西清古鑑順天錢有大小二種大者有仰月形

朱梁錢一品





按五代史朱有貞卽位之七年改元龍德然纂譜諸家皆未載有此錢余得之於曲阜野老之手雖曰破損亦未嘗罕見者

後唐錢一品



按續通典後唐天成元年十二月勅中外所使銅錢用鐵鑄錢即宜毀棄洪志載是錢曰天成元寶


石膏錢二品



按五代史晉天福三年除鑄錢令又勅曰國家所資泉貨為重宜令三京鄴都諸道州府曉示無問公私積有銅者並許鑄錢仍以天福元寶為文左環讀之委鹽鐵司鑄樣下諸道今每一錢重二銖四參十錢重一兩又按禪史彙編錢文稱元寶者自晉高祖始然則司馬通鑑稱開通元寶事尚爾疑若代宗大歷史思邈得壹順



天朱梁之龍德後唐之天成皆稱元寶何待言也天福
又有鎮寶者按舊五代史言石晉鑄錢當時有天福鎮
寶者背文黎字西清古鑑言鎮寶者蓋如通寶重寶變
易其文也洪氏列不知年代品蓋未深攷李孝娥讀作
天鎮福寶未免貽譏至有云石勒所鑄殊可笑也

附助國錢一品




按五代史晉本紀天福二年夏四月辛卯宣武節度使
楊光遠進助國錢三十萬貫光遠正史有傳

後漢錢一品




按續通典漢乾祐元年四月膳部郎中羅周喬上言請
在京置錢監俾銅盡為錢以濟軍用錢背有月形

後周錢十品




按五代史周世宗即位之明年廢天下佛寺三千三百六十是時中國乏錢詔毀天下銅佛以鑄錢又按四夷附錄世宗遣尙書水部員外郎韓彥卿以帛數千疋市

銅於高麗以鑄錢




一品背上一星一品背下一星俗傳此錢占課最靈蓋世俗錯認周文王錢也


卷之二十一



一品背左星右月一品月在下角一品背下有橫




此品背文左龍右鳳世稱難得嘗伏雞籠竟不鳴




此品背文甚泐或云是三雀啣花蓋古製也

卷之二十一

附楊吳錢三品





按歷代說約楊行密據吳傳位至幼子溥始踐大位國號吳建元順義三年改元大和





又一品鐵錢



附南唐錢八品




按釋史彙編三保元寶錢南唐元宗所鑄




按陶岳偵泉錄云韓熙載疏請以鐵為錢徐鉉篆文又按綱鑑彙編云後王四年行鐵錢徐鉉篆文比舊錢稍大余得銅質者蓋元宗時初鑄也





又永通泉值八分書大錢按大定錄顯德五年江南李氏鑄永通泉值錢洪志云此錢背文尙有龍鳳式者






唐國錢亦江南李氏所鑄其字法楷篆分隸式有大小
茲錄四品惟第三品背有一星




大唐通寶錢亦李璟所鑄

附前蜀錢六品





按五代史前蜀世家王建僭國號曰永平李孝娥曰永
平錢形製麤惡視之誠然






永平五年改元通正

通正元年冬改明年元曰天漢



天漢元年冬大赦改明年元曰光天又按西清古鑑蜀世家武成三年龍見沔陽又見壁州遂改明年元為永


平六月黃龍見大昌遂改通正又改明年元曰天漢國號漢十二月又改明年元曰光天復國號曰蜀



按前蜀世家曰王建卒子衍立明年改元乾德



按前蜀七年改元咸康

附孟蜀錢一品





按後蜀孟知祥由蜀王稱帝僭號明德傳位子昶是為後主改元廣政又按後蜀史曰明德三年十二月丁亥申銅禁明年改元廣政

附南漢錢一品




按南漢世家劉龔即位國號大越改元乾亨

附閩錢一品



按閩世家王延羲立改元永隆鑄大鐵錢以一當十又
 按十國紀年王延羲永隆四年八月鑄永隆通寶大鐵
 錢一當鉛錢百然所得乃大銅錢背文閩字右鑄一星
 下作仰月形





閩王王延政延羲弟也稱帝建州改國號殷建元天德

凡三年仍號閩按閩史天德二年鑄天德通寶大鐵錢
 以一當百董道曰天德重寶穿上有殷字洪志曰亦有
 銅者余所得者銅錢也



附燕錢一品




按洪志董道曰幽州劉守光錢曰應天元寶背文有一
 万字



上海圖書館藏
來函
終





1 | 2 | 3 | 4 | 5 | 6 | 7 | 8 | 9 | 10 | 11 | 12 | 13 | 14 | 15 | 16 | 17 | 18 | 19 | 20 | 21 | 22 | 23 | 24 | 25 | 26 | 27 | 28 | 29 | 30 | 31 | 32 | 33

Centimetres

Kodak Color Control Patches

© Kodak, 2007 TM: Kodak

Blue

Cyan

Green

Yellow

Red

Magenta

White

3/Color

Black

